

PRIMICIAS E prome Europeo na Cabo de Buena Esperanza...



E prome Europeo cu a yega Cabo de Buena Esperanza (Kaap de Goede Hoop) tabata e Portugés Bartolomeu Dias De Novais. El a sali na augustus di añ 1487 cu 1 barco yen di cuminda y 2 caravela - barconan mas 'licht' cu un largura di aproximadamente 75 pia.

E distancia mas na zuid cu nan a yega di nabegá e tempo ey tabata te na Cabo Cruz, cu awor ta zuid-oost Africa. E biontonan fuerte en frente a haci nan viahe mas difícil, pero despues di a pasa Cabo Cruz, e biento mes a saca e botonan di Dias afo.

Dias a probecha di e circunstancianan aki y el a sigui nabegá riba Oceano Atlantico cu rumbo zuid-west pa 13 dia largo, mientras e marineronan angustia tabata puntra nan mes ta na unda nan lo bai para.

Despues Dias a coy ruta pa oost. Como cu durante tur e dianan aki nan no a logra mira tera, Dias a asumi cu nan a bira e punta di Africa. El a lora bira cabes pa'nord y a bai mara den e bahia cu ta actualmente conoci como Mossel Baai, djei el a continuá a lo largo di e costa pa 200 milla. Mas despues cu ruta pa India su tripulacion a rebelá y a forz'é pa bolbe.



Riba e potretnan por mira Bartolomeu Dias teniendo den su man un herment cu nabegante-nan ta usa. Riba e otro potret po aprecia e stampia di dje na Portugal.

E Maravillanan nos Naturalesa...

E Blenchi

Nos conoce dos sorto den e area di aki, esta e blenchi berde y esun bruin scur of dornasol.


Bo ta haya vooral esun berde mas tanto ta bula rond. Nan ta bisa cu esaki ta esun fresco, paso e ta bula tur rond den curá, y principalmente den e flornan.

Nan ta traha neishi (manera por mira riba fotonan) di mas o menos

3 cm di hanchu, y ta trahá mas tanto di plushi of e cabes di un bushi, bruhá cu poco blachi seco y mará na otro usando e liñanan cu harañanan ta traha nan cas cune.

E webonan cu nan ta pone ta casi tur ora 2, y nan tamaño ta poco menos cu 1 cm. Ora e puitonan nace nan ta mes tamaño cu un maribomba y tin un 'snavel' cortico ainda.

Mucho di e bida di e blenchi no ta conoci, pero un cos si, e ta wordo protehá pa ley, pues niun cuenta di tira stichi riba dje...!





Chabalito

Number 10 - Año VI - Afl. 2,=



BIBLIOTECA NACIONAL ARUBA



3 0993 00276 688 9